

docriver 文川网
入驻商家 古籍书城
在文川网搜索古籍书城 获取更多电子书

中國方志叢書·華北地方·第三三〇號

據清·高蔚霞修苟廷誠纂
光緒十九年刊本

影印

甘肅省

通渭縣新志



sk25/12

成文出版社有限公司印行



中國方志叢書·華北地方·第三三〇號


據

清·高蔚霞修苟廷誠纂
清·光緒十九年刊本

影印

甘肅省

通渭縣新志



成文出版社有限公司印行



10098577

中華民國五十九年二月壹一版

通渭縣新志

全二冊

發行人：黃 成 助

台北郵政信箱二二六〇五號
出版者：成文出版社有限公司

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：東南印製廠有限公司
和平西路二段70巷83弄29號

內政部登記證內版台業字第一一四七號

docsriver 文川网
入驻商家 古籍书城

在文川网搜索古籍书城 获取更多电子书

光緒十九年仲冬月鐫

通渭縣新志

板存縣署

通渭縣志序

夫邑之有志猶國之有乘家之
有譜不可一日無也留心治道
者凡山川疆域民風物產皆資
攷證而其要則在表芳型彰潛
德樹之風聲俾邑之人士有所

觀感而興起斯亦得失之林教
化之原也然通都大邑代有作
家體例既具踵事無難偏邑僻
壤代遠年湮文憲闕如甄錄曷
自攷據無由典贍則流於華樸
質則易於陋詳為引徵則偏醇

貽譏力求簡潔則疏略致誚請
托曲徇採擇無據一人秉筆衆
囂盈耳懸揣臆度索燭捫盤於
此而云創修豈不難哉通渭自
建置以來地瘠民貧數經變故
典冊無存光緒壬辰霞承乏斯

邑下車伊始訪求掌故幾同杞
宋之無徵私心耿々每懷不忘
後晤邑紳景君星源言通渭志
藁經張君志達纂修後其先人
瑞之公增輯補益繕錄成書弄
藏於家霞聞之喜躍即從索觀

見其苦心孤詣搜羅靡遺雖門
戶太多去取未當而擷綱舉目
規撫粗具從而修之有所藉手
顧念修刊之費創修之人均不
易得正跲踈間牛幼樵比部來
縣言及此事慨捐貲為倡又得

近以... 卷之...
苟實齋明經分任協修於是乎
助我有人集貲稍易通邑數百
年遺憾咸於一旦亦云幸矣獨
是景本成於道光時咸同以後
久經兵燹忠臣烈士義夫節婦
或誓賊而死或禦賊而亡青燐


碧血豪在原野不急收輯終致
湮沒昔常道將曰善志者述而
不作序事者實而不華故史遷
之記詳於秦漢班生之書備於
哀平皆以世及事邇可得而言
也霞於政事之暇與苟君周諮

博訪政訂商權剪裁舊編摭摭
近事繁者去之略者詳之訛者
正之網羅故實搜輯散佚致意
於興修沿革之間繫情於忠孝
節烈之大俾後之官斯土者覽
此而得其要概邑之人士見此

而勵其名節抑亦守土者之當
務歟至其中容有不實不脩之
處邑之人士自能知之霞亦無
從為力則採訪者之咎也茲役
舉於癸巳春季竣於冬杪其用
力專而成功速則苟君之力居

多而霞無與焉是為序

光緒十九年歲次癸巳仲冬穀
旦清水縣知縣調署通渭
縣事湘陰高蔚霞撰並書



重修通渭縣新志序

邑人景星燿

通邑爲鞏昌東北門戶版圖寥闊周袤數百里其建置若何沿革也山谷若何錯互也丁賦若何雜沓也風勤俗樸土厚水深政教若何推行人物若何滋阜也欲窺其全非志不可我

國家文教昌明自一統志省志外各郡邑均有志歲久增修而吾通獨無志溯自康熙五十七年慘遭地震城社墟夷覆沒人民無算乾隆間邑廣文張志達蒐訪重修亦未付梓邑志遂渺傳本百餘年來迄無起而更修者

可慨也道光中耀曾祖王大父瑞之公以諸生訓課之暇手抄舊志并採摭近事登諸卷帙每謂先伯等曰吾邑志書自李太僕青峰南太守約齋歸籍後均思修復未果我續創輯此異日文運漸盛必有踵而潤色者若輩善藏之及先伯昆仲同舉鄉科牛雪樵廉訪由甲科陟監司其子姪亦蟬媛登第地方英才輩出文運似有起色况近遭兵燹士女義烈有關風化者更多可傳而志典仍闕如蓋事經創舉非地方官力爲振興未易也歲辛卯我

docsriver 文川网
入驻商家 古籍书城

在文川网搜索古籍书城 获取更多电子书

高公赤城父台來涖吾邑恤民愛士實心實政次第施行既於書院增置膏獎復慨修縣志耀聞之卽函飭舍弟星源謹呈家藏鈔本以備採錄又欣聞牛幼樵比部倡捐重貲邑人士董採訪司校讐協力俛助者均不乏人而我

公遂通稟大吏於癸巳四月開局籌辦延邑名宿苟君實齋秉筆凡越八月而告成嗚呼盛舉也今而後守吾通者舉凡建置之沿革山谷之錯亘丁賦之雜沓政教之推行人物之滋阜披讀斯冊燦然了然而野火飛燐

慷慨義烈之幽魂亦得所傳以不朽然則斯志也非惟
掌故考据之資抑亦治化措理之所由關也耀需次青
門桑邦事久不預聞獨是舉則深喜我

公之曠典並藉以伸吾先人數十年前拳拳錄存之意
西望旃幪欽感靡竟而吾鄉先達積久未遂之忱均堪
一慰焉豈不快哉愧耀不文承我

公謬愛書來索序謹抒積悃請質高明亦不忘先德之
意云爾若夫文章編纂才擅三長知我公與苟君優
爲之茲不贅

國家有一統志以飭治紀蹟凡九垓輿圖民物之蹟出
川風氣之異罔不具載復有省志郡志交證互發亦既
班班乎詳且盡矣邑志何爲夫一統省郡所志率宏綱
巨要而纖細曲折之實見諸幽遐及與時推移者則固
簡冊所未書而耳目不及周是故邑志不可無作也通
渭故有志歲久事逸卷帙殘缺與無志同邑令劉君蒞
任歲餘興廢舉墜百務維新慨然曰治有大於此者乎
卽於視事稍暇銳意修復援筆屬草業已盈篋復延邑
人白生編次之不半載篇帙告成其文質其事核其考

據確而不謬視舊志遷庭矣晚近吏治寢衰日夕錢穀
手口簿書猶然拮据未遑况畱心文藝若此乎以是知
劉君之學優才裕而深識治體也然則是志也一展卷
而一邑之財賦疆域山川人物以及一切細微曲折靡
不犁然畢見其有益於吏治亦何減於一統省郡諸志
哉志凡四卷八目劉令將捐貲付剞劂而請序於予邑
固予隸襄成厥事亦所樂也遂書之俾弁諸首

明萬曆四十一年歲次癸丑任甘肅靖遠道秦大夔序


邑志一國史也紀邑之實蹟若何令觀者未入境而就
中梗概俱瞭然在目繫豈細故哉通渭故有志歷久時
異事殊今昔半不相倫必執昔以概今譬之指大羣夫
爲卍角子一恆人訝之矣萬厯癸丑歲綸受命承乏茲
邑按物態質卷帙慨然有激於中乃於視事之暇就身
所經理間拈數語存筭積而成帙屬邑逸叟自我心參
舊志以編次之夫耦射者齊矢道羣馳者輕修塗勢也
以今所補益合舊所傳述並觀互考渭邑梗概不瞭然
在目耶世道之移也若江河之不可挽時移事殊後之

視今猶今之視昔綸第知今以前之通渭而序所爲志
若此其後來之通渭則非今所預知也按志續修尙俟
後之君子

明萬曆四十一年歲次癸丑知縣劉世綸序

周以前有史而有志史與志合也周以後有志而無史志與史分也雖然無史而後有志志之興所以繼史之亡也史示人以不可疑則志當示人以必可信故宜書而不書或不宜書而書或得書而不書或不得書而不得書胸中無主以意逆度而損益之在史不可謂之信史者在志亦不可謂之信志又何貴乎重修之也通邑故有志自明季劉公修後迄今五十餘載未有繼而修之者也把卷缺畧茫然靡考嗟乎昔人失修而俟之後人安知後人不更俟之如前人也予不繼而修之誰

則繼而修之者於是修疆理其自星野而下而古蹟山
水關門之區以別也以省觀覽也修建置大者城署學
校倉場壇社之必載也細者若鋪若坊若園若市集若
墩堡若廟宇若義塚若僧會司若養濟院罔或遺者仍
其舊也修禮制繁文祀典兼取焉示可守也修田賦疆
畝之遞減生齒之不盈稅鈔之日絀以時考之而恭選
昔也示可念也其地產之不厭於瑣屑而穀菜瓜菓花
木禽獸藥物之燦然列也非特供簿正也亦以見生育
之艱難而土瘠民貧不可與通都大邑較也修官師則



前代無可考由明至今各紀錄而無褒貶者弗敢僭也
修人物而忠義孝悌節烈余樂得而志之使後之人或
聞風而興起也修選舉上而科第明經貢士下而例監
胥吏以至中宦者民悉志之無隱見其事可以知其大
並可以論其世也修文藝而誥勅碑記暨傳序詩文書
牘並列不刪者慨簡編之寥落備觀風者採擇也應散
失而表其幽微正舛僞而核其名實敢謂示人以必可
信庶幾宜書而不書與不宜書而書與得書而不書
不得書而不得不書者自信無之也志成若干卷或以

謂博也夫志患勿博也史之闕文第闕而存之豈闕而
刪之乎故甯存之示人以必可信必不敢刪之示人以
無可疑然則余之修志也亦猶之修史之意也哉

康熙五年知通渭縣事直隸安州顧竟成遂初甫傳

洪荒以前結繩而治雖上之日月星漢下之山河草木莫可名狀迨大禹禹貢一書出分疆列土卽土之黎赤墳墟上下高卑以及篠簜籥箛石磬龜魚之類靡不羅列載籍一何詳也後有姬公創制周禮讀其職方所載山藪川澤桑麻田舍草木昆蟲之粗且纖者無不悉焉若漢之蘭臺班氏地理志中更悉於政事之緩急風俗之奢儉自此環海之內郡則有統紀邑則有分志一鄉一里亦有風土之書無非祖述憲章乎禹貢職方與地理志而推廣乎制度文物也但史與志同志與史異史

通志卷之三十一
載美刺志則有褒而無貶史貴簡潔志則務詳而弗畧
於是後世經術之士過都越國觀風問俗不過稽其險
阨審其措置而已至著作之家則探奇搜怪闢險創幽
履車轍之所不至詳聞見之所罕知以發其軼蕩深淵
之思是皆未知夫作史與志之道也蓋史以傳信而志
亦以傳信雖史志之文與詞不同而史志之體與理則
一也通渭之志自康熙五十七年來未有起而修之者
余自北平改移是地甫下車詢及此僉曰邑自康熙五
十七年地震城壓民廬學舍傾圮無存移治於安定監

docsriver 文川网
入驻商家 古籍书城

在文川网搜索古籍书城 获取更多电子书

今雖復還舊治而圖書載籍鞠爲茂草矣志無考也夫
文獻無徵宣孔致慨典型不在詩人嘆惜余方博訪於
故老之遺聞里巷之傳習掇殘文於斷碣探往蹟於荒
煙尙未成也會督撫兩院檄令通省郡縣修葺志書諸
上臺檄下徵取余雖媿鄙敢不勉竣是役爰進邑之學
博張志達者爲之編輯補修余亦稍出所見親爲指點
凡星野沿革山川形勢古蹟風俗物產今古不易牌坊
市集橋梁鋪舍驛遞墩堡典禮祠廟倉廩有定制而疆
域曾經移易里甲亦有減增外有關於公家之祀典或

藉以狀山川之形勝不可不詳其始末以備顧問也城
池一項自傾圮後民力捐築規模粗就雖非金湯聊堪
捍禦直書捐資辦理之姓氏年月俾知當日之艱難民
情之急公也公署學校自經修建無項可補然亦宜斟酌
權變以修補之不然目爲傳舍興補無日矣若災以示
警祥以鳴休或星流雲變雷迅雨淫或景星慶雲時
雨甘露雖萬方俱瞻然見於一方者亦關政治之得失
地方之盛衰必爲悉心考載以志其詳焉至戶口賦役
國計所關民命所繫向有成額今有裁畱安得不仍分別